

[Poesias]

Autor(en): **Disch, Gion**

Objektyp: **Article**

Zeitschrift: **Il glogn : calender dil pievel : annalas per historia, litteratura e cultura romontscha**

Band (Jahr): **4 (1930)**

PDF erstellt am: **22.04.2024**

Persistenter Link: <https://doi.org/10.5169/seals-881353>

Nutzungsbedingungen

Die ETH-Bibliothek ist Anbieterin der digitalisierten Zeitschriften. Sie besitzt keine Urheberrechte an den Inhalten der Zeitschriften. Die Rechte liegen in der Regel bei den Herausgebern.

Die auf der Plattform e-periodica veröffentlichten Dokumente stehen für nicht-kommerzielle Zwecke in Lehre und Forschung sowie für die private Nutzung frei zur Verfügung. Einzelne Dateien oder Ausdrucke aus diesem Angebot können zusammen mit diesen Nutzungsbedingungen und den korrekten Herkunftsbezeichnungen weitergegeben werden.

Das Veröffentlichen von Bildern in Print- und Online-Publikationen ist nur mit vorheriger Genehmigung der Rechteinhaber erlaubt. Die systematische Speicherung von Teilen des elektronischen Angebots auf anderen Servern bedarf ebenfalls des schriftlichen Einverständnisses der Rechteinhaber.

Haftungsausschluss

Alle Angaben erfolgen ohne Gewähr für Vollständigkeit oder Richtigkeit. Es wird keine Haftung übernommen für Schäden durch die Verwendung von Informationen aus diesem Online-Angebot oder durch das Fehlen von Informationen. Dies gilt auch für Inhalte Dritter, die über dieses Angebot zugänglich sind.

La scompa dil Stin, sgurdin dil Curdin.

Tiel docter ded etg e de jarva
Vegn in malsaun Tujetschin.
Avon che la bucca quel arva,
Ha'l ingiavinu sù sgurdin.

„Victoria!“ Il docter cammonda:
„Fai spert ina brocca maluns.
Piaun schuber de gust lien sponda,
Ch'ei vegnien grass, gross, gruls e buns“.

Silsuenter survescha pulenta
Ed in graslut bi spinal.
Quei simpel remiedi cuntenta
E calma el venter il mal“.

Ed il Tujetschin la marena
Ha spert schubergiau e magliau.
Al docter bien grau el aunc renda
Havend quel cun raps cuntentau.

Curad'ei el venter la gnarva
E leds il malsaun medegau.
Il docter ded etg e de jarva
Sinquei ha el cudisch nudau:

„Per beglia, magun e pil venter,
En constupaziun e grond mal,
Dai gruls buns maluns e pli suenter
Pulenta cun grass de spinal“.

Tiel docter ded etg e de jarva
Pli tard in signur de Berlin,
Che fieva la cura de gnarva
Ei staus per consulta perfin.

Er' quel selamenta dil venter,
De constupaziun e dolor
E spert enquera persuenter
Siu bien rezept il docter.

„Victoria! Fai spert ina brocca
Maluns e fai quer in spinal,
E brassa pulenta sco cocca,
Quei mettel, pren spert giu il mal“.

Il docter ha lu cun la puntga
Cargau il signur de Berlin,
Catschau giuden cluntga per cluntga,
Per far ir pli tgunsch cun bien vin.

E l'operaziun ei gartiada,
Mo il pazient ei staus futsch.
Quel della sgarscheivla cargada
Ei stags e stuppau sco in mutsch.

Gie mira, gl'ei buca tuttina,
Miu car e bien docter ded etg,
Ti has dau a dus medischina
Cun fetg different donn e cletg.

'Gl ei bien che quel ch'ina gada
Ti has saviu scapentar,
Tei lauda e fa patarlada
E l'auter po nuot scaffarlar.

G. Disch

Lai star il cotgel!

Il schliet carstgaun ei sco'l scarvun,
Miu bien amitg stai in tschancun,
Stai lunsch naven dil cotgel:
Sch'ti tuccas el cul ei sferdaus,
Sche vegns ti tschuffs e scurvanaus,
Perquei lai star il cotgel.
Sch'ti tuccas en el da burniu,
Sche brischa tei il tarladiu,
Sempatscha mai dil cotgel!

Gion Disch
